

天府廣記

天府廣紀目錄

第一卷

建置 形勝 險阻 分野 風習

第二卷

府縣置 城坊

第三卷

府縣學 武學 書院

第四卷

城池

第五卷

宮殿 後市 戲院

第六卷

郊壇 附縣宮 神樂觀 歲時所

第七卷

山川壇 先農壇 旗纛壇 地壇 朝日壇

夕月壇 先蠶壇 出洪壇

第八卷

社稷

宗廟

奉先殿

景神殿

玉英宮

第九卷

帝王廟

文廟

廟祀

第十卷

內閣

六科

尚寶司

中書科

光祿寺

第十一卷

宗人府

第十二卷

吏部

第十三卷

戶部

第十四卷

兵部

第十五卷

禮部上

第十六卷

禮部下

第十七卷

貢院

第十八卷 兵部

第十九卷 戎政

第二十卷 工部

第二十一卷 錢局

第二十二卷 刑部

第二十三卷 都察院

第二十四卷 大理寺 通政司

第二十五卷 詹事府

第二十六卷 翰林院

第二十七卷 太常寺 四庫館

第二十八卷

太僕寺

國子監

第二十九卷

欽天監

觀象臺

第三十卷

鴻臚寺

第三十一卷

太醫院

行人司

上林苑

衍聖府

第三十二卷

五軍府

錦衣衛

京衛

外衛

第三十三卷

人物一

第三十四卷

人物二

第三十五卷

巖麓

第三十六卷

川渠

水利

第三十七卷

名蹟

第三十八卷

寺廟

第三十九卷

石刻

第四十卷

陵園

第四十一卷

賦

第四十二卷

詩

自古無至元

第四十三卷

詩明

第四十四卷

詩明

天府廣紀卷之一

建置

昔黃帝與蚩尤戰於涿鹿之野戮其元兇四海攸同然後合符  
釜山而爲天子建都涿鹿之阿以兵爲營衛即今京師地蓋燕  
地在漢以前通名爲涿至漢高帝六年始分燕置涿郡釜山在  
今涿州西與易州界狀如覆釜故名史記索隱謂在東海大明  
之墟神其說也今保安州西南九十里有涿鹿山黃帝破蚩尤  
於此州東南四十里有軒轅城史記顓頊都於帝丘其北至幽  
陵即幽都涿鹿其地最高故曰陵也先建都於冀燕冀地也古

者中國之地分爲九州大河以北爲冀堯都平陽此其內服也  
及舜即位以冀地太廣始分冀東恒山之地爲并州東北潞  
閭之地爲幽州又分遼東等處爲營州皆冀也夏商漢省幽入  
冀周漢置幽州漢末曹操領冀州收又統名爲冀昌平有漢人  
張純碑稱冀州從事循古稱也

按司馬遷曰余北過涿鹿長老皆往往稱黃帝堯舜之處張  
守節曰媯州涿鹿城在山側黃帝堯舜之所都也 皇甫謐  
曰舜所都或曰蒲水上也也漢晉人去古未遠其言黃帝堯  
舜皆都冀也

周封召公奭於燕封堯之後於蓟史記註云蓟今涿郡蓟縣是



也即燕國之都水經注薊城西北隅有薊丘故以名之猶魯之曲阜齊之營丘

燕有二國一稱北燕姬姓召公奭所封一稱南燕姁姓黃帝之後地理志云東郡燕縣南燕國無世家不知其君識說惟隱五年衛人以燕師伐鄭杜公南燕國莊二十年鄭伯和王室不克執燕仲父杜公南燕伯見傳并此據左傳及註疏是以燕為召公所封南燕為黃帝之後也按大記武王未及下車而封黃帝之後叔薊今東郡薊縣是也即燕國之都孔安國司馬遷皆云燕國召公奭周同姓黃帝姓姬君奭蓋其後也古今考云周武王封召公奭北燕地在燕州燕山之野當

是時自有一燕國結姓黃帝之後在今所謂滑州者召公受  
封以元子就國而次子留周室代為召公與周公旦之次子  
代為周公為二伯公族者是二公又皆以師傳行六卿之事  
燕自召公至王喜為秦王賁所滅秦始皇二十五年也凡四  
十四世其地為漁陽右北平遼西遼東上谷代郡雁門之郡  
南得涿郡之易城范陽北新城固安涿郡良鄉新昌及渤  
海之安次漢武所置之樂浪玄菟亦皆屬焉南通遼楚西毗  
趙魏北鄰烏桓扶蘇東臨濊貊朝鮮真番亦曰水胡秦二世  
元年九月韓廣自立為燕王班史帝紀所書也考之陳涉傳  
張卬陳涉既亡武臣為趙王遣攻上谷平伐韓廣北徇燕地

貴人蒙傑曰楚趙皆已立王燕雖小亦萬乘之國也願將軍  
立為王韓廣曰廣毋任趙不可燕人曰趙方西憂燕南憂楚  
其力不能禁我且以楚之強不敗害趙王將相之家今趙獨  
能害將軍家乎韓廣以為然乃自立為燕王此必燕王之太  
子亦被誅與王喜之被執無復有召公之後矣故燕人立韓  
廣為王亦可謂匹夫而僥倖者矣

漢高帝元年春正月項羽分燕為二徙韓廣為遼東王都無終  
封燕將臧荼為燕王都薊八月燕王廣不肯徙國遼東臧荼殺  
之併其地韓廣為王僅三年漢三年冬十月漢韓信發使然  
王臧荼下之漢五年秋七月臧荼反臨代地帝自往征之九月

滅燕割滅菰為燕王陸四年 漢高帝五年九月封盧綰為燕王  
光武三年封叔父良為廣陽王

今京西有盧王化在安次縣常道鄉二十五里漢燕王盧綰  
也軍與劉賈夾攻燕者今名盧綰也按常道鄉在耿就橋西  
去安次縣五里唐貞觀中縣治也魏燕王宇文興封常道鄉  
公即此廣陽水名水經注云廣陽水東南至陽鄉縣右注聖  
水聖水又東南逕陽鄉縣西縣故城之陽亭也志云陽鄉城  
在今府治西南二十五里

晉室之亂中原板蕩慕容儁自龍城遷蒞密提於此至唐武德  
元年改為秦州總管府開元十二年改秦州為范陽郡置大都

督府有府十四曰昌平涿城德興涿城樂上清化洪源良鄉開  
福政和停縣柘河民杜威寧

劉定之以唐時此為范陽藩鎮安史改為盧龍而所治幽州  
薊縣不改今移薊以為州移盧龍以名衛各去此數百里其  
實唐之盧龍與薊在此

石晉天福元年以遼有援立之功割幽州等十六州以賂燕土  
遂海於其城至金天輔五年以燕京及涿易檀順景薊六州還  
宋宋宣和四年改燕山府為永清軍郭藥師叛金金人復取之  
地復歸金先是順德中周世宗親策兵復瀛薊諸州將抵幽病  
還宋太祖置封樁庫曰晉割幽燕以遺契丹使一方限於境外

朕其聞之侯庫滿則以此酬之不然散帶財募勇士以圖攻取  
然終宋之世未能復也

宋太宗禹拱中火部尚書宋璟請徙幽燕疏其言幽燕情形  
甚悉疏畧曰大舉精甲以事討除靈旗所指燕城必降但徑  
路所趨不無險易必若取雄霸路直進不免更有陽城之圖  
蓋陽河之北陂浹坦平北路行師非我所便況軍行不離於  
輜重賊來莫測其淺深欲望回轅西適山險今大軍會於易  
州瀋孤山之北洮水以西揆山而行援糧而進涉洮水並大  
房抵桑乾河出安祖寨則東瞰燕城繚凡一舍此是周德威  
取燕之路自易水距此二百餘里並是沿山村鑿建延溪澗

相接抹薪汲水我占上游東則林麓平岡非戎馬奔衝之地  
內掛鈴弩步隊實王師修禦之方而於山上列白幟以望之  
戎馬之來二十里外可悉數也從安祖寨西北有盧師神祠  
是桑乾出山之口東及幽州四十餘里趙德鈞作鎮之時欲  
過西衝曾壅此水泥河次半有崖岸不可輕度其平地築城  
護之守以偏師此斷彼之右臂也仍慮步奚為施可分雄勇  
兵士三五百人至青白軍以來山中防遏此是新州鵠川之  
間南出易州大路其桑乾河水屬燕城北陽統西壁而轉大  
軍如至城下於燕丹陵東北橫壅此水灌入高粱河高粱岸  
狹桑水必溢可必駭蹕寺東引入亭淀三晉瀟漫百餘里

卽幽州隔在水南王師可於州北緣浮以通梁此敗賊騎來  
擬已隔水矣視此孤壘句曰克必 初宋太祖欲取幽薊以  
地圖示趙普曰圖必出曹翰帝曰然又翰可取否普曰翰  
可取孰可守帝曰以翰守之普曰翰死孰可代帝不語久之  
曰卿可謂遠慮矣帝自絕口不言伐燕及太宗平河東出討  
幽薊久未拔師普手疏極諫甚謂陛下信邪誦之徒又謂望  
陛下精調御膳保養聖躬其言極切帝報曰將帥不遵戒美  
能優勞疲為逸人所襲此責在主帅也朕雖百王之末祖致  
承平蓋念民臨茲異地將收焚而極溺匪黷武以窮兵卿  
當悉之也疆場之事已為之協卿勿為憂遂罷進取之兵而



宋之弱實基於此

幽州屬遼後至太宗徽宗會同元年止為南京聖宗隆緒開泰元年改稱燕京改幽州府為析津府薊北縣為析津縣幽都縣為宛平縣其地以平州為要害

平州即今永平

天祐時其將張穀守平州

以平州降宋金人取之時宋徽宗宣和七年乙巳也至高宗紹興二十年金主亮以上京辟在一隅城燕京徙居之貞元元年謂燕乃列國之名不當為京師號改析津府為大興府稱中都以中京會寧府為北京汴京開封府為南京西舊遼陽府為東京大同府為西京如故

元世祖命耶魯人劉永忠相地於杭州東聚水北建城郭於

龍圖三年而畢名曰開平繼升為上都而以燕為中都四年  
又命東忠築中都城始建宗廟宮室八年奏建國號曰大元  
而以中都為大都

世祖問劉東忠曰今之定都惟上都大都耳何處最佳東忠  
曰大都國祚延民風淳大都國祚長民風淫漢定都燕之計  
明太祖洪武初歲建都於元故都修撰鮑頌力諫而止乃改大  
興府為北平府二年止北平行中書省三年封燕王九年革行  
省設承宣布政司

洪武元年改北平府詔一海宇以安人心正國統而君天下  
理勢所在古人嘗然自華服來亂以來四方思治惟加元綱

已獲趙上策以就撫斯民以定燕。順帝華德造此玉圖荷  
上天眷佑臣鄰翊贊恭茲江左平定中原雖惟燕薊實彼根  
本命將北伐列郡響應已於洪武元年八月初二日克取燕  
城兵無犯旅秋毫民不移於市肆觀者來奏殊副朕懷今改  
燕城為北平府命官屯守海宇既同國統斯正方與斯民共  
享安平之福尚賴外內臣僚夙夜公勤匡朕不逮

明太宗永樂元年正月禮部尚書李至剛等上言自昔帝王或  
起而平定天下或出外藩入承大統而於肇流之地皆有隆  
崇以見北平布政司實皇上承運興化之地宜遵太祖高皇帝  
中都之制立為京都制曰可乃以北平為北京二月改北平府

為順天府八月遷直隸蘇州等十郡浙江等九郡富民實北京  
先是太祖建都金陵於洪武二十四年七月諭工部曰昔漢高  
祖遷天下豪富於關中朕初不朕今思之京師天下根本乃知  
事有當然不得不爾朕今亦欲令富民入居京師仰其各有司  
職丁產殷實者以遷其來於是工部使天下富民至者凡百十  
三百戶使時兩京並建八戶殷實說者謂競比漢之五陵焉

永樂十八年遷北京詔開燕創業興王之本為先繼體守文  
經國之宜尤重昔朕定考太祖高皇帝受天明命君王中華  
創立江右以肇邦基朕讀承天毓賦弘鴻業惟懷永圖眷  
茲北京實為都會地勢雄偉山川環固四方萬國道里適均

惟天意之所屬實下筆之欣同乃徵古制拘執情止兩宋置  
郊社宗廟創建宮室上以紹皇考太祖高皇帝之先志下以  
開子孫萬世之必規且於巡守縣守實有便焉爰自營建以  
來天下軍民樂於趨事天人協贊景觀聯臻今工已告成獲  
以永樂十九年正月朔旦御奉天殿朝百官誕新治理用敘  
雍熙於歲天地清寧衍宗社萬年之福山河綏靖隆古今之  
盛之基

### 形勝

燕自昔稱雄左環滄海右擁太行南襟河濟北枕居庸燕秦  
所謂天府百二之國社牧所謂王不得不可為王之地楊文敏

謂西接太行東臨碣石鉅野且其南居庸控其北勢拔地以崢  
嶸氣摩空而崩勢又云薊燕內跨中原外控朔漠真天下都會  
柱文襄云形勝中天下處山帶海有金湯之固蓋真定以北至  
於永平關口不下百十里居庸紫荆山海喜峯古北黃花鎮險  
阨尤著會通漕運便利天津又通海運誠萬古帝王之都

太行自西來演迤而北歸巨魏晉燕趙之境東而極於營州關  
東固臺阜鸞鳳峙而蛟龍走所以擁護而圍繞之者不知其幾  
千萬里也形勢至嚴至密堪與家所謂藏風聚氣者按地實有  
之其東一帶則汪洋大海稍北乃古碣石稍南則九河既道所  
歸宿之地浴日月而浸乾坤所以界之者又如此其真哉而廣

大也況居直北之地土應天極之紫微其對面之案以度地勢  
之別故試萬山之案當其前也夫天之象以北為極則地之勢  
亦當以北為極易曰民者東北之卦也萬物之所以成終而成  
始也民為山水為地之津液而委於海天下萬山皆成於北天  
下萬水皆宗於東於此乎建都最為萬物所以成終成始之地  
自古所未有也前平元而為宋、都於汴前平宋而為唐、都  
於秦在唐之前則兩漢之前都秦而後雖然皆非真州境也雖  
曰宅中國治道理適均而天下郡國乃皆背之而不向焉者也  
孔子曰為政以德譬如北辰居其所而眾星共之易曰離萬物  
皆相見南方之卦也聖人南面而聽天下向明而治夫以北辰

為天之樞居微垣之中而受眾星之所向則在手南為氣日京  
師居乎民位成始成終之地介乎震坎之間出乎震而勞乎坎  
以受萬物之所歸體乎北極之尊向乎離明之光仗夫萬方之  
廣億兆之多莫不面為以相見則凡舟車所至人力所通者無  
不在氣照臨之中自古建都之地土得天時下得地勢中得人  
心未有過此者也 宋文公燕曰冀北天地間好個大風水山  
脈從雲中發來前面黃河環繞秦山障左為龍華山障右為虎  
嵩山為前案故淮南諸山為第二重案江南五嶺諸山為三重  
案故古氣建都之地皆莫過於冀都蓋指今之京師地也

劉伯溫基曰元氏入主中夏佐以姚劉許律諸君子雖因兵



通於際山以定都而地形之險實甲天下撫據之成幾將百  
年一時大章亦頗有奇氣未必非山川形勝淑氣之觀感或  
有以助之也至於元季四方鼎沸而國都固備晏然自若也  
蓋其水連滄海四接晉冀前有彌轄大陵之利北有東關天  
險之固況非天命所歸其主自遷於荒而以夢相相待雖引  
百萬之兵賴之堅城之下歲月之間成敗利鈍未知其勢孰  
為得失也

### 脰隘

居庸關在府北一百二十里昌平州西三十里南北相距四十  
里西山夾峙一水旁流懸崖峭壁最為險要晉南子曰天下有  
九塞居庸其一為唐高適入關詩有絕域水連下群峯雲共高

之句明初洪武二年大將軍徐達營石為城以北京師門戶永  
樂二年置衛鎮千戶所者五有龍虎臺在關南口黃廣二里寨  
三里鎮橫梁山對峙作龍虎踞狀故名龍虎臺中有峽曰彈  
張峽水聲在石隙間如彈琴故名天津關在良鄉縣北西  
至大龍門凡十五關口其間甚大者曰天津關黃崖峪關在  
薊州北四十里自關以東凡十口至馬蘭關其間甚大者曰寬  
甸谷關馬蘭峪關在遵化縣北自是而東凡三十一關口至  
大喜峯口其間甚大者曰沙城谷口曰羅文峪口曰松栢峪口  
曰龍井紀關曰潘家口曰團亭寨白楊口在昌平縣西北二

十七關口至天津關 古北口在密雲縣東北一百二十里兩  
崖壁止中有路僅容一車下有澗巨石磊砢凡四十里自是  
以東北二十里關口至嶺峭山寨家嶺轍古北道中詩亂山環合  
疑無路小還縈迴長傍溪谷涉夢中尋蜀道興州東谷鳳州西  
大喜峯口在遼北縣北凡七十里至永平府青山口 黃花鎮  
在昌平縣東北九十里自是而東至古北口凡四十八關口其  
間差大者曰大小峪關曰白馬關曰陳家峪關曰弟馬峪關峨  
嵋山寨在密雲縣東北又東至黃崖峪關凡五口其間差大者  
曰黃松峪關曰將軍石關

宋東京西臉腦二百餘洪武十五年九月北平都司開報曰

一片石曰黃土嶺曰董家口曰義院口曰蕭幹嶺曰派窪兒  
曰劉家口曰泥河口曰藤泥口曰冷口曰界嶺口曰青山口  
曰乾溝口曰桃林口曰峪口曰石門子曰白泥子曰白羊峪  
曰石湖洞曰五臺庵曰新聞嶺曰佛面山曰榜老山曰檉崔  
子曰城子嶺曰水峪曰中寨曰榆木嶺曰青山口曰遊鄉口  
曰鉄門口曰大喜峯口曰小喜峯口曰團事寨曰潘家口曰  
常峪寨曰三臺山曰隘口寨曰龍井寨曰朝兒嶺曰松陀兒  
曰松棚峪曰青山大嶺曰木津嶺曰尖麻峪曰刀山寨曰水  
嶺曰馬蹄峪曰洪山寨曰蔡家峪曰秋杆峪曰樂家峪曰道  
清峪曰羅文峪曰貓兒峪曰山寨峪曰小板角山口會仙臺

曰沙坡峪曰山口西寨曰片石峪曰冷嘴頭曰猪皮寨曰  
皮山寨曰龍池寨曰大安口曰井兒峪寨曰鮎魚石口曰龍  
芭峪寨曰馬蘭峪曰平山寨曰寬口峪曰南山頂寨曰賊老  
婆寨曰滴水峪小寨曰北山頂寨曰滴水峪北山等寨曰綠  
山頂曰峪臺嶺寨曰古盤峪曰肥勝峪曰橫天嶺曰黃崖口  
曰小平安嶺大平安嶺曰三山寨曰焦溪峪曰青山嶺曰章  
牢峪曰將軍石口曰陽山寨曰黃松峪曰文家庄曰魚子山  
曰蕭家嶺曰魚兒嶺曰砂嶺兒曰灰峪口曰灰嶺兒曰猪圈  
頭曰山嘴頭曰木場峪曰灰塘峪曰塢子嶺曰磨刀峪曰許  
家峪曰蒼木會曰小黃崖曰大黃崖曰石堂峪曰姜毛峪曰

蘆家峪大虫峪曰遮橋峪曰南峪曰燒香峪曰墨峪曰崖  
臺峪曰高梁子曰小水峪曰漢兒嶺曰城子山曰倒班嶺曰  
把頭嶺曰師姑峪曰招相安曰齊廟崖曰栢嶺安曰將軍臺  
曰蘆家安曰司馬臺曰了營山曰沙嶺兒曰磚梁子曰龍王  
峪曰師婆峪曰古北口潮河寨曰柞峪曰陟道峪曰饒店峪  
曰陳家峪曰東池峪曰西脆骨曰白馬甸曰剗車嶺曰馮家  
峪曰營城嶺曰葦崖口曰石塘嶺曰東石城西石城曰東水  
峪曰白道峪曰半盤峪曰小水峪曰水口峪曰河防峪曰神  
堂峪曰非連口曰加兒嶺曰豬鞍嶺曰南冶口曰黃花鎮曰  
西水峪曰東園峪曰灰嶺口曰賢庄口曰雞石口曰德勝口

曰虎峪曰居庸曰陽峪曰曰蘇林口曰白羊口曰白峪口高  
崖口曰方良口曰常峪口曰長城嶺曰沿河口曰石卷口曰  
小龍門口曰天升關曰東龍關曰天橋關曰洪水口曰西龍  
門曰段口曰石峪口曰蘭防口曰鹿角口曰南龍門曰馬水  
口曰道水口曰石塘口曰金口

宋史曰燕山之他易州西北乃雲城關即紫昌平縣之西乃居

庸關順州之北乃古北口景州之東北乃松亭關平州之東乃

榆關即山海此數關皆天造地設以為內外之設限氣皆在京師

之背若其宸然可謂天險矣 劉宗師在輔也三屯營居中為

重鎮明初即古會州地設大寧都司營屯寧衛外山縣臨興遠

東寧府東西並列爲外邊命係中山於西北自古北口東至山海關增修關隘一道爲內邊至永樂以大家念地與元民略後止中內邊皆人謂外邊山無梁且十里外撒江環繞爲天然之險于旗行四趙德鈞爲幽州節度使於幽州之南六十里城關溝而伐之又於幽州之東五十里城涿縣而伐之二城乃幽州之門戶也關溝即今民鄉爲險路之咽喉縣即今通州爲水路之口古今地險亦畧相象如此楊補吉曰京師形勢高聳天地壘前有三里河去通州五十里地形高通州六丈九尺巽二關可行舟火通橋去通州四十里地形高通州五丈巽十關方可行舟



# 分野

春秋元命苞謂尾箕散為幽州以為燕國爾雅云幽州為析水之次晉書曰析水城營為燕并箕尾幽燕也自尾十度至南斗十一度為析水之次於辰在寅又曰廣陽入箕九度唐志謂箕尾析木津也初尾七度中箕五度終南斗八度應北斗漁陽等郡天文志曰析木津之次中台之下下台之上又曰箕主北斗樞星又曰辰星主燕趙代森羅記云尾九星九度少強三度入寅辰辰在寅為人馬宮 分野之說其來已久矣然非可論乎宸居之地如心傷宋豫三國時魏人宜占不在蜀魏黃初之四年蜀之章武三年也月犯心先主殂蓋心者心也天之心天

王之象也光主本帝室之曹故屬當之尾箕雖公為箕然尾主  
進御箕主后妃尾爰之箕帝示婦道也其占每在右室符堅時  
昔起箕尾緣堅滅燕弟毀飛舍妻同輩已而冲過長安堅之  
亡以色荒也玄宗時五星聚箕尾未几羯數瀛陽來興播遷實  
金錢錦襪胎之惜當時太史合無以若語悟二主者予因以五  
星所聚考之唐何與周箕何與宋也顧房主天子後官商以祖  
已亡國以父母邑甚興敗聚者箕主藏揚舉極首霸而皇王事  
業志舉而掃除之非優唐虞成周宇宙矣故聚箕漢水混一并  
金軫何从也傾井主水衡物之平者莫若水營國制城畫野八  
州取象為高祖平海內而守令郡縣較若畫一故聚井金主武

庫亦主文章五星聚端溪武修文太平象也故宋乾德見之列宿始於角終於參元人滅宋而宇宙內事為之一終故宋淳熙間日月五星聚焉洪武間聚奎占若乾德矣嘉靖間聚營室已而九廟一新設室為太廟也觀北京師非可以公野論也

洪武十七年閏十一月命儒臣會同欽天監以天文公野以配州郡纂書二十四卷賜名清類天文公野書 燕公野集

尾在寅自尾三度至斗二度屬燕公野州今北平都路廣信

宋廣信軍即遂州信安宋信安軍乾寧公河間清縣永靖公今併入安肅縣

間景州宋安肅今為縣保順今慶雲縣屬河永定今肅縣宋永靜軍屬保定

保定府順安今安州屬保雄今雄縣莫英旧莫州今任丘

定宋順安軍屬保定莫英旧莫州今任丘

霸今州屬北平府大遼之東瀕於高麗皆燕分也今考唐天文志云

尾箕析木津也自渤海九河之北得漢河間今府涿郡今州廣

陽今北平及上谷今保定府漁陽今薊州右北平今樂遼西遼東今遼

樂浪今平壤城今平壤玄菟今東右北燕今北孤竹今永無終今屬九裔

三韓之間尾得雲漢之末冰龜魚麗為當九河之下汎濱於

渤碣皆北紀之所窮也其與南平相近為遼水之陽盡朝鮮

三寒之地在吳越東南

### 風習

舊志云燕之山石硯墨危峯砥柱水冽土厚風高氣寒其草木皆強幹而叢木虫鳥之化亦勁疎翫花而置：然迅飛也以此故

園樂之粹燕為賢豪士之人太雅沉驚而不狃於俗感時觸事  
則悲歌慷慨之念生焉其猶然燕并遺烈武以至閭巷傭販之  
夫亦莫不堅悍不屈矧然以急人為務無關冗皆竊之習此其  
善也然而風會之超人情之化始未嘗不朴茂而後漸以漓其  
流益甚焉大都薄骨肉而重交遊厭老成而尚輕銳以燕遊為  
佳致以飲博為本業家無擔石而飲食服御擬於巨室業若懸  
磬而典妻鬻子以浚佛進香善則遺骸未收即槨殯在鼓索朝  
雲集德化陵遲民風不競此詎可令賈太傅見也隋志云冀州  
於古堯之都也帝居所在故其界尤大信都清河之間博陵恒  
山趙郡武安襄國其俗頗同人性多數厚務在農桑好尚儒學

而傷於遲重前代稱燕冀之士銳如鉅蓋取此爲俗重氣俠好  
結納其相赴生死亦出乎仁義故班志述其土風悲歌慷慨推  
劉掇冢亦自古之所患焉前漢云仕宦不偶遇冀部嘗弊此也  
太原山川重復人性勁悍習氣戎馬汾郡上谷漁陽北平安樂  
遼西皆連接邊郡習尚與太原同俗故自古言勇俠者皆推幽  
并云然汾郡太原自前代以來皆多文雅之士雖俱曰邊郡然  
風教不爲此也

宋著作邢昺元宗使金行程錄畧曰自良鄉六十里至燕山  
府燕山乃古冀州地舜以冀州廣遠公置幽州以其地在北  
方幽陰之地宋有朝庭遼東北有樓煩白檀西有雲中九原

南有滹沱易水唐荆范陽而度臨荆吳契丹自晉割胙建為  
南京又有燕京析津府戶口安堵人物興盛州宅用契丹旧  
大内壯麗受絕城北有市陸海百貨萃於其中僧居佛地冠  
於北方錦繡組綺精絕天下蔬菰果實稻粱之類靡不畢出  
桑柘麻麥羊豕雉兔不問可知水甘土厚人多技藝民尚氣  
節秀者讀書次習騎射耐勞苦夫金人偏安一隅當時景色  
之盛士民之勤如此宜乎元臣却經對世祖曰今即不能如  
漢唐如元魏金源可矣

天府廣記卷之二

府治

京府永樂元年二月改北平府為順天府其府治即元大都路總治舊署也先是遼升為京兆都府人改為析津府至金為大興府元初為大都路號大興府官署為宗正所據官吏辦事於佛寺至大中監路平章政事莫吉奏請以錢四萬二千五百緡買寶格里周氏地計十九畝建為公署永樂定鼎於此遂因其署而為順天府歷朝未嘗為京兆重地畿內郡縣親領於六部故曰直隸而順天府在華轍下與內諸司相類顧不以直隸稱府堂有明宣宗御製歲美京師四古所勝京尹之職凡庶事



咸周之內史漢之三輔不輕畀人擇賢以付國家因之有尹有  
丞亦有唐察田贊厥成也：區域華較其本王者施仁焉汝舉  
遠爾體予懷務勤以周情必上通澤必下流木清玉剛準平繩  
直毋彈豪右毋縱奸慝淵泉湛淵：有規無愆古人祇我訓  
訓

按府尹即秦漢內史之職常治京師漢景帝分置左右內史  
武帝更名右內史為京兆尹左內史為右馮翊又史所謂都  
尉者名為右扶風共為三輔治長安城中唐京兆府置牧一  
人以親王為之五代置開府尹宋牧尹不常置太宗真宗皆

常置尹後設權知府一人以待制以上充典司明太宗改北  
平府知府為順天府尹照應天府例給印陞正三品衙門  
定設府尹府丞治中通判推官經歷知事照唐檢校等官  
其職事掌京府之政令宣化和人勸農問俗均貢賦節征權  
謹祭祀閱實戶口糾治豪猾恤窮困清獄罪因務察知百  
姓之所疾苦而時撫摩之歲橫實徵十歲造黃冊凡賦役皆  
按冊丁產而均適之歲貢府學一人三歲合試八府生而貢  
士為月朔奏老人坊箱聽宣諭歲立春迎春進春耕藉田奉  
青蒿播種以饗農獻家人紙漫文引李絳共揭奉進國有  
市易平其價益商而時給之凡學校舉直積貯牧馬柴炭河

渠陝丞僧道醫藥之事宣德中令所屬地方每丁種桑果百株官擇耆老勸督天順中令於宛大二縣各設養濟院以處貧者成化六年府尹閻鐸以歲飢坐視民患不能賑濟降衙府知府：亟而下並建城御史加罰有差其幅員南為固安伯州北為昌平東為通州三河香河玉田西為良鄉房山東北為薊州東為東安永清伯州之南為保定文安大城昌平之東為懷柔密雲通州之北為順義南為涿縣東為寶坻武清薊州之東為遵化東南為豐潤西北為平谷東至永平府薊州界三百九十里西抵薊州界三百里南抵任丘界三百五十里北抵建慶州界一百六十里東西相距六百九十里

南北相距五百一十里 其統轄在元大興府轄州九縣二

十有三今領州五縣二十二洪武中徵有不同疑天文分野

書載北平府支郡四涿州通州霸州薊州親領縣十一大興

宛平良鄉永清昌平容雲州舊固安順義香河州無舊懷柔新城

州親領縣一房山舊有范陽縣附郭裁後通州親領縣四三河

武清寶坻涿縣州舊有涿縣附郭裁後霸州親領縣三文安大

城保定舊有益津縣附郭裁後薊州親領縣四遵化豐潤平谷

玉田舊有漁陽縣附郭裁後

大興縣附郭本秦薊縣地屬上谷郡漢至唐皆以舊名後改

為析津縣金改為大興縣元仍舊明因之編戶三十六里原

額一萬九千一百六十三口七萬一千七百九十七口

宛平縣附郭秦漢至隋皆蓟縣地唐析西畝置幽都縣屬幽州後改為宛平縣取釋名云燕宛也宛：然以平之義金元仍舊明因之編戶二十五里原額一萬四千四百四十一戶六萬一千二百一十五口 良鄉縣在府西南七十里春秋時燕中都地漢為良鄉縣屬涿郡晉屬范陽國後魏屬燕郡北齊省入薊縣唐復置隋屬涿郡唐屬幽州以不從安火之叛改回節縣承改良鄉遼金元仍舊明因之縣東八里有廣陽城漢舊縣也編戶二十五里原額二十九百戶一萬三千七百七十五口 固安縣在府西南一百二十里本漢方城

縣屬廣陽國後屬涿郡後魏省隋置固安縣屬幽州唐屬北  
義州貞觀初復屬幽州至屬涿州元屬霸州後陞為固安州  
明洪武初改為固安縣寰宇記曰自易州涿水縣界移徙於  
此編戶三十八里原額四千三百三十九戶四萬四千一百  
三十五丁口 東安縣在府南一百五十里水漢安次縣初  
屬燕國後屬北海郡晉屬燕國隋屬涿郡唐屬幽州城塚記  
云安次屬漁陽郡唐武德四年移古石梁城置貞觀八年又  
自石梁城移於魏常道鄉置十三年又自常道城東移既耿  
橋行市兩置即今里也按志舊東安州在縣西北渾河水決  
居民輾集名舊州頭常道城去今縣四五里元初屬霸州後

陞為東安州隸大都路明洪武初改為縣編戶四十四里原  
額一十八百三十八戶一萬二千五百四十四口 永清縣在  
府南一百五十里宋漢益昌縣屬後郡宋漢廢隋置通澤縣  
唐改為武隆縣又改魯昌縣天寶初更為永清縣取遼境永  
清之義益昌元以舊明因之編戶二十一里原額一十三百  
一十戶一萬二千九百九十四口 香河縣在府東南一百  
二十里宋武清縣地遼於新昌置權監院因居民聚集遂置  
香河縣屬析津府金屬大興府元初因之後屬薊州明廢州  
改永屬編戶一十里原額一十三百六十一戶八千九百三

通州在府東四十五里秦屬漁陽郡漢置潞縣後魏置潞郡  
隋廢入涿郡唐置宣州尋後為潞縣五代以後皆因之金明  
為通州取漕運通海之義元仍舊明以潞縣省入元末兵亂  
城毀洪武元年閏七月燕山忠敏侯孫興祖從大將軍徐達  
督軍士修之始甃以磚石周圍九里十三步高四丈六尺在  
潞河西因以潞水為濠編戶三十二里領縣四原額三千九  
百九十六戶一萬八千五百七十一口三河縣在州城東七  
十里本漢臨河縣地唐析潞縣地置三河縣屬撫州以地近  
北渡龍江臨河三水故名後隸薊州後仍舊金元俱隸通州  
明因之舊城在今縣東三里被水衝廢後唐廢龍節度使趙  
德鈞改置城方六里濠闊三丈深半之嘉靖二十九年知縣



增城高五尺四十二年知縣入增五尺編戶三十五里原額  
二千六百三十二戶一萬八千七百二十丁

武清縣在州

城南五十里漢雍奴縣也注水經云雍奴數澤之名山而有  
水曰雍水不流曰奴漢書地理志雍縣屬漁陽即建武二年  
封冠恂為侯國魏志張郃從擊袁譚於渤海兵圍雍奴破之  
謂此邑也唐天寶初改為武清縣五代宋金皆因之元初屬  
大興府專割隸通州明改屬通州武清縣舊城距白河十七  
里止家莊南明初因水患遷今治元衛帥府鎮撫衙也舊無  
城正德六年罷浚賊之變知縣陳希文始築上垣縣東南有

漢泉州城在治東北三十里有河西後并乾輻輳之地戶部  
分司治之編戶二十八里原額三千三百三十戶二萬七千  
六百九十七丁口 鄆縣在州城南四十五里漢泉州縣地  
屬漁陽郡晉屬燕國後廢遷於鄆河之南置鄆陰鎮後改為  
鄆陰縣乾統四年鳳凰見於鄆陰即此地也元初屬大興府  
後陞為鄆州隸大都路明改為縣屬通州編戶一千五百里原  
額一千一百戶四千一百四十八丁口 寶坻縣在州城東  
南一百二十里本漢泉州縣地後唐於此置鹽倉金初為新  
倉鎮大定間始置寶坻縣以境內產鹽故名尋陞為州後復  
為寶坻縣元隸大都路明隸通州縣南有秦城東南有梁城  
五代時置蘆臺軍編戶三十三里原額三千六百七十八戶

三萬二千三百四十五丁口

薊州在府東二百里秦漢之漁陽郡也魏晉以降臨於河北  
前趙劉淵慕容皝並都之隋開皇初徙玄州於此唐開元  
十八年始立薊州取古薊門關以為名天寶初改漁陽郡乾  
元初復為薊州復置高武軍宋改廣州軍金屬中都路元仍  
為薊州隸大都路明因之以漁陽縣省入括地志曰漁陽郡  
東南七十里北平城郡有漁山治在其陽故曰漁陽編戶  
二十六里領縣四原額二千三百九十八戶一萬七十八百  
七十五丁口 遵化縣在州城東一百二十里本春秋無終

國地漢為右北平之境唐於此置為豎及軹治居民稍聚因  
置遼化縣遼於縣置景州清安軍宋置濠州郡金以縣隸薊  
州元仍舊明因之縣西南五十里有平安城唐太宗征遼時  
建又有徐太傅城在喜峯口東北為徐中山所據歲久廢圮  
望如碧玉編戶二十里原額一十六百二十四戶一萬八千  
零七十四丁口 平谷縣在州城西北八十里本漢舊縣屬  
漁陽郡後廢唐為漁陽之大王鎮至陞為平谷縣仍漢名元  
初併入漁陽縣後漢置隸薊州明因之編戶一十三里原額  
一十二百三十八千九十六丁口 玉田縣在州城東八十  
里本春秋無絛國地漢為無絛縣屬右北平元魏屬漁陽郡

後省唐漢置屬幽州後改為玉田縣因漢陽雍伯種石得玉  
故名神龍初屬營州後還屬幽州又改屬薊州五代至遼仍  
舊宋為經州金後為玉田縣元仍舊明因之編戶一十八里  
原額一十一百一十一戶一萬一十七百四十五口 薊州  
縣在州城東南一百九十里本玉田縣之永濟務金隍為薊  
州縣以古薊州潤河合而名之隸廣州軍元省入玉田縣尋  
後置隸薊州明因之南關城即古報城相傳趙武靈王築縣  
西北二十里狼山營山兩崖對峙其中有路通遵化縣編戶  
二十二里原額二十六百九十八戶三萬五百六十一口  
昌平州在府北九十里本漢軍都縣屬上谷郡東漢屬廣陽

郡皆屬燕國後魏改為昌平縣其理在州城西八里唐昌平  
縣狄仁傑里人諫議劉蕡二祠俱在其處明景泰初移於永  
安城即今所也正德元年南京吏部尚書林瀚奏陞為州以  
固陵巖重地朝議不果至八年縣丞張懷傑奏許之仍以容  
雲順義懷柔三縣來屬編戶二十七里原額二千六百九十  
八戶三萬五千六十一丁以容雲縣在州東北一百二十里  
秦漢時為漁陽郡地後魏置容雲郡領白檀要陽容雲三縣  
無置安州北齊廢郡以二縣併入容雲縣後周改安州曰玄  
州隋置檀州後改安樂郡唐為檀州遼為威武軍宋雍橫山  
郡金改為檀州元仍舊明洪武初改為容雲縣志言今縣治

乃漢庫奚縣城東北五十里有安樂城漢吳漢為安樂今乃  
古其城地界流共工於幽州即此編戶一十九里原額一千  
六百四十七戶一萬六千四百四十七丁口縣去遼陽四十  
五里嘉靖中設薊遼總督駐節其地萬曆四年設縣大中丞  
劉應節建東城高三丈五尺濶二丈周圍一千四百七十九  
丈屹然重鎮 順義縣在州東北六十里本秦上谷郡地漢  
及魏晉皆為范陽之境北齊始置歸德郡隋改為順州唐初  
為燕州天寶初改歸德郡乾元初復為順州遼為歸寧軍後  
改為歸化軍宋置順興軍弘治後為順州元仍舊明洪武初改  
為順義縣編戶二十一里原額一千二百四十七戶一萬二

千四百七十七丁口 懷柔縣在州東北一百里本密雲昌平二縣地唐貞觀中置懷柔縣天寶初改歸化縣乾元初後舊名遼屬順州金改為溫陽縣元廢入順州明洪武中改密雲昌平地後置懷柔縣編戶一十四里原額一十二戶六十六百四十二丁口

涿州在府西南一百四十里州因涿水而名說大涿水下滴又以水中出豕也城周九里形如四宇相傳昔額頊時所築州城創自漢成帝以禹祖二年立為燕王州政屬薊而地屬燕也春秋戰國皆燕之涿邑秦為上谷郡地漢置涿郡曹魏改為范陽郡晉改為范陽國後魏後為范陽郡隋為涿郡



唐初廢郡為范陽縣屬幽州大曆中又於縣東置涿州遼置  
永春軍宋改涿水郡金漢為涿州元陞為涿州改奉為涿州  
明以范陽縣省入編戶四十六里領縣一原額五千四百六  
十四戶三萬八千八百六十九丁口 居山縣在州城西北  
四十里本民鄉元平范陽三縣地石晉以其地通遼未有縣  
金析置萬寧縣以奉山陵後改奉先縣元改居山縣屬涿州  
明因之編戶一十六里原額一十八百二十九戶一萬二千  
九十七丁口

薊州在濟南二百一十里本秦上谷郡地漢屬渤海郡後漢  
屬廣陽郡晉屬章武國隋初屬薊州後屬涿郡唐屬幽州後

改為永清縣即益津關也五代沒於遼後周世宗顯德六年  
先後始立霸州留其將轄今坤字之以示雄霸之義宋治文  
安縣金治益津縣又析置信安軍元仍為霸州明以益津縣  
省入州城舊傳燕昭王築編戶三千一里領縣三原額三十  
七百二十戶六萬五千一百二十二丁口 文安縣在州城  
南七十里本漢縣故城在縣東三十里周總漢武帝時趙葵  
為文安令好神仙使大旱乃自焚土人感慕立祠今縣理乃  
三河口之豐利縣也隋大業時煬帝征遼經此以其衝要乃  
立縣唐貞觀初移文安縣於此豐利遂廢屬霸州宋省永清  
縣入焉金元仍舊明因之縣西二十七里有古南北盧溝城

編戶三十四里原額三千六百三十戶二萬四百八十九丁  
大城縣在州城南一百三十里漢永平舒縣屬渤海郡  
東漢屬河間國晉為章武國治後魏改革武鄉北齊廢縣置  
平舒縣隋屬景州唐屬瀛州五代改大城縣周屬霸州宋食  
元仍舊明因之縣東北有平陵城漢書燕建封平陵侯即此  
編戶二十三里原額三十一百九十九戶三萬一千一百八  
十丁口 保定縣在州城南四十里本涿州新鎮地宋太平  
興國中於此建平戎軍景德初改為保定軍宣和中改為保  
定縣隸莫州金隸雄州元初省入益津縣後復置屬霸州明  
因之編戶六十二里原額六百五十五戶三千五百丁口 卷

東北自臨曠村起直抵西營唐頭等村計長四十里其南與  
大安縣而北則霸州也議者謂決霸州之堤以疏水性而築  
大堤於南以衛文安則畿南十數州皆可免於水患

明陳容曰大明一統志景泰間修而未成天順開始成之初  
修時學士錢原博為副總裁嘗欲志戶口而李文達以戶口  
戶部自有數慮傷繁而止按周禮獻民數於王王拜受之是  
民數朝廷之所重也苟在所當志何傷繁之慮耶如以此為  
戶部有數而不志則內外文武諸司之設吏兵二部有數舉  
按事觀禮部有數皆將不必志耶文達既自用而彭呂諸公  
又皆務為簡重不相可否故此書之成不但戶口之登耗無

徵而已 萬曆五年十二月順天府府尹王之恒言會典原  
載該府戶口六十六萬九千三百有奇自庚戌被兵後隆慶  
五年總括實在人丁止十四萬七千三百有奇蓋租庸正額  
之外更多雜派錢糧以致民不聊生日就凋耗閭閻徒浙江  
等處富民三十八百餘戶以實京師今不惟富民消亡已盡  
即土著亦漸徙移此豈合重賦輕意哉請將各州縣租契銀  
兩抵解雜派錢糧一應帶徵錢糧盡行蠲免部覆如議

### 城坊

京師之地以爲五城每城有坊中城曰南薰坊滋清坊仁壽坊  
照坊保泰坊大時雍坊小時雍坊安福坊積慶坊東城曰明時

坊黃華坊思成坊居賢坊朝陽坊南城曰正東坊正西坊正南坊宣南坊宣北坊崇南坊崇北坊西城曰阜財坊金城坊鳴玉坊朝天坊闔外坊北城曰崇教坊昭四坊清太坊靈椿坊登祥坊龜臺坊教中坊日中坊闔外坊每城設有兵馬司其制始於元南北二城置二兵馬司專捕盜賊按宋以四廂都指揮從徽京城神宗置勾當左右廂公廂民間謂之都廂即此明洪武初因元制置五城兵馬指揮使司設都指揮副都指揮知事後改兵馬指揮司設指揮副指揮軍知事增吏目選於吏部永樂遷都北京仍遵舊制每司設指揮各一員副指揮各四員吏目一員中城止稱中兵馬指揮司不稱城中兵馬司在城內仁壽

坊東城兵馬司在城內恩成坊南城兵馬司在城外正陽街西  
城兵馬司在城內威宜坊北城兵馬司在城內教忠坊兵馬司  
夜巡赴尚寶司領令牌東城木字西城金字中城土字南城火  
字北城水字天順二年九月六科十三道奏五城兵馬李惟新  
等二十一員不帶夜巡銅牌上命逮繫詢問各調外任

元朝御史王憚彈兵馬司火器曰切見在都兵馬司設馬步  
軍五百人添募一警捕衙門自去年至今今年二月終強竊盜  
賊計六十餘起致有殺傷事主劫掠財物及本司公廨下為  
盜者蓋當該管兵馬不為用心滋弊如此三限不獲行下取  
招並不回報其都轄上司縱令賊眾虛詐行移亦不申明賞

罰是作過之人無法可畏教之公行也部城犂戢之下辟穢  
倉庫

所在萬一窺竊深聞利害又間有敗獲賊徒除事  
剋權數不能歸結者雖方中上自詘無問輕重概使鞫問斷  
遣豈惟設司越職苟弄威權但恐其間奸弊日滋實為事害  
最莫司自來並無因盜鞫問斷遣之理去後合無令兵馬司  
據應獲盜賊畧行取問即應解府歸結施行外竊夫盜起數  
已獲者實未獲者罰如此磨望上無譏恣虛行之失下準違  
錯自尊之弊實罰既明民知所畏京畿之間不待歲月作過  
之人將自消弭據此畧行糾呈 明成化六年七月上諭吏  
兵二部曰五城兵馬多不稱職備吏部會兵部并錦衣衛官  
簡其不勝任者改調外任別調有威力者代之於是尚書姚



變白圭等漢指揮張寧等八員堪任其傳聞等二十二員不  
堪任因言兵馬之設職事防察奸宄禁捕賊盜疏通溝渠巡  
視風火其責頗重邇來內外官及諸營要不循舊制凡事無  
分公私大小皆屬執理又從而凌辱之且占役大甲與非一  
端乞嚴禁前弊稍重其權仍增置副指揮二員公理其事有  
不職者黜之上可具奏命下自今兵馬司務遵舊行事內外  
官不得擅自差遣又占役大甲違者許徑自奏聞毋城增火  
日一員少兵二十名 隆慶四年九月御史趙可懷言五城  
掌印兵馬宜取正途科貢年壯有志行者授之職檢驗麻傷

理盜賊刑名而一切奔走瑣務則屬副兵馬各上官接過之  
體及陞轉之格視兩京知縣如不職者聽巡城御史不時糾  
劾以俟五年大察各城御史交代時第具考語送部以俟在  
考又查京城有巡捕營弘治之末以京師多盜設捕營  
將把總等官專捕盜賊所捕之賊建其版中解巡視京師科  
道審問轉送刑部捕營擬定事例該營兵京城七百九十二  
人城外一千一百二十人把總等官率領捕賊如或對敵殺  
真盜三名為首者陞一級為從者給賞對敵被殺者子孫陞  
實校一級世襲委官部下獲至二十名以上者陞署一級五  
十名以上者實校一級把總官部下五十名以上者署一級

百名以上者實授一級軍人所捕不及數并願賞者每名賞銀十兩對敵擒斬副賊者二十兩數人共事者均之把總并委官部下所捕不及數並願賞者每名賞銀一兩已受賞者不許告退並功陞級一年內地地方失盜委官積至五起以上者降一級十起以上二級把總官十起以上一級二十起以上二級不及數者委官每起俸兩月把總一月若把總委官私役賣放巡捕單人照例究問 萬曆四十五年盧溝橋劫輜上命各官住俸拿賊獲賠銀並以守禦地方專責巡捕兵部議開初設五城兵馬司專職巡捕後以夜禁為重外治間始設捕營其間節次條例增改不一至萬曆十三年

來自郊至中責成兵馬司自酒至寅責成巡捕營各自分當  
責為定規說者謂私總之令不行于大甲故白晝之罪不及  
於官軍而盧溝橋劫掠一事獨不以寬於捕營宜及今亟為  
酌議歸諸畫一計右哨食糧夾哨二百名分為兩班每班一  
百名分為五隊每隊二十名自盧溝橋起至廣寧門止畫定  
信地常川駐防勿以晝夜為限凡遇錢糧解到良鄉兵快自  
縣送至盧溝橋巡檢司本司弓兵自盧溝橋送至廣寧門其南  
城縣撥兵番與弓兵同自盧溝橋送至廣寧門弓兵與番兵  
交替番兵後自廣寧門送至京一有失事良鄉立盧溝責在  
良鄉縣盧溝橋至廣寧門責在南城宣北坊與右哨及巡檢

司廣寧門至京責在南城宣北坊而解官已折兵夫朋良鄉  
或巡司預中責解官至於沿途係長鄉夫宛平縣會同宣化  
坊嚴行中飭倘有卒然之警互相應援以此定解道之責即  
以此案失事之罰若都重二城以內一切白晝搶劫乃係兵  
馬專責捕營夜巡責成如故

京城設巡視御史始于正統時不置公署巡視所至遇有喧鬧  
當時差緝或暫借各衙所公署蘇恭泰中京師多盜差御史  
十人捕治事平留五人以照建立公署凡有奸弊諸事許受理  
送問其差用御史三月一更萬曆中都御史孫丕揚請用實校  
御史一年而火未行

成化二十一年四月歸永衡請令興城御史補宗師掾徒上  
曰昔漢郭解一豪俠之雄耳武帝因公孫弘之言殺之以懲  
不逞論者謂其有闕治體氣律惡少相倚為奸恐將來效尤  
者無所不至宜榜禁之乃令保伍互相覺察有怙終不悛和  
而不告者各治以罪弘治九年十二月御史陳璠言崇文  
門宣課公司以收商稅近者戶部奏差御史主事住監其事  
率以撓克為能遂致商賈不通物價騰踊有傷國體乞取回  
原委官員止循舊例順天府官收商稅間有奸弊宜令興城  
御史督察上曰御史言是但此公司最被校尉及無藉者挾  
制攪擾因命御史主事監收今後止許帶盤客貨其餘行李

中輟毋得執極阻遏違者巡城御史奏治

嘉靖三十七年六月刑部尚書鄭曉等言故事在京軍民詞訟俱赴通政司收送法司問斷各衙門有應問者竊送法司問斷不得自決比來事權不一諸司各自受詞拘禁箠楚或妄以意見出入顛倒法外致良善苦於紕弊奸頑喜於詐害請申明會典條例令各衙門通行遵守嚴政體歸一疏上得旨自今在京軍民詞訟各衙門并巡城御史毋得徑自受理違者奏治 萬曆十四年三月刑部尚書舒化言五城不當隸受呈詞人命不當簡注事體不當歸結御史添大化極力爭之上命京師詞訟小事聽五城御史受理速結以快小民

至於成招擬罪者送刑部問斷且令部院詳議：得五城交  
理不宜同罪不得濫罰不得淹滯及簡註刺字至於舊賊充  
當尤為不便宜禁止之云著為令 巡視南城湖廣道監  
察御史方震臨疏曰考前代歲輔之政大都統於京兆而北  
朝並用五城御史蓋五府六部環集以策下民無所知：有  
有巡城御史而已侯王保輔隸於臺安民無所畏：巡城  
御史而已細而兒女小忿之爭俗而求盜瑣屑之事非贊之  
御史不了也暫而徒步之相誇大而畢世之深仇非贊之御  
史不平也甚至度兩翻雲之軒布也漫天之手非御史不能  
摘而發其隱也豪端巨族笑手黑天可以一語折服之無狀



譚侯城郭深根固常可以寸楨招致之無狀詎然則起城  
之任蒸肅矣其機蒸肅矣故曰不違舉其技節而但求其本  
源曰城規不可不肅也城禁不可不嚴也城員不可不慎擇  
也起方者例不得携家屬例不得受私書例不得尋常宴會  
河城若獨不然終日升客終日應酬蓋矣寔難指神氣曰公  
竿牘旁通則面皮難冷微於外而寬於內豈用御史之初意  
哉所謂城規之當肅者此也朝開我皇初政都門白晝無狀  
持軸儀往來者而一切白蓮左道棍徒遊謗之徒皆潛踪屏  
跡可想見一時振刷景象今漸落如矢即如經畧像獄而靈  
海宮一第一種机發之聲日聞人臣搜飯印時無意中得山

人莊士元文書一卷皆係罪璫戚畹之辨揚而其它一二入  
贖深有可疑訝者乃知山人墨客慣走豪貴之門而決險通  
紳大為恣肆之口此輩不驅除巡城者不得謝其責所謂威  
禁之當嚴者此也京師者萬國之堂與也而親民者獨兵馬  
指揮耳往時司官題用正途最有深意而不知坊官之親民  
與司無差別也竊以為各城坊官亦當以考選遺珠充之其  
體貌陞轉與司官爭豈惟司坊而宛平大興二縣亦當用科  
甲而治行之最者其起報亦當出諸藩上所謂城員之當慎  
者此也總之有官不可以無法有說不可以無輔有官有法  
有說有輔而所以治京師者過半矣